

حقوقى بىلىپلەر مجموعهسى

هر آيك اون بىشنده نشر اولنور

یکی

حقوق اصول محاکمه لری قانونی حقنده

مطالعه

— ۱ —

اصول محاکمه قانونك ۲۱۲ نجی ماده سی

حقوق اصول محاکمه لری قانونی عمومی حکملری اعتبارله نوشتاتل قانونندن آنغله
برار مملکتتمزك خصوصیت حالی نظر دفته آلهرق بعض حکملرکه قبول ایدلدیکی
بیلکیر مجموعه سنك سنه ۲ نومرو ۱۶ نسخه سنده ایضاح ایتمش ایدك. صحیفه : ۲۱۸
اصول محاکمه قانونمزك نوشتاتل قانونه مخالف اولهرق قبول ایتدیکی بر حکمی
۲۱۲ نجی ماده ده کوریورز، چونکه مملکتتمزك بر چوق یرلرنده مع الاسف هنوز
بارو تشکل ایتدیکی کبی طرفین نامنه لایحه وحقی عرنحال یازم جوق دعوی وکیلی ده
بولولمامقده در. شو حالده نوشتاتل قانونك عیناً قبولی حالنده بو کبی محللرده اقامت
ایدوب یازی یازمق اقتدارندن محروم اولان کیمسه لر دعوالرینی تعقیب ایده مامك
اضطرا رنده قاله جقلر ایدی. بناء علیه استانبول قومیسونی، بو نقطه ده نوشتاتل قانونندن
خارجه چیقمقده ضرورت حس ایتمش و طرفین افاده لرینك تحقیقات حاکمی طرفندن
علناً ضبط کاتبه خلاصه صورتیه املا ایتدیرلمی اساسی قبول ایتمشدر.

— ۲ —

تمیزك اجرایی تأخیر اتمی

نوشتاتله استیناف طریق

۱ — خزینه و مسکرات انحصار اداره سی وکیللرندن محترم آرقداشمز آووقات
عثمان نوری بك استانبول باروسی مجموعه سنك سنه ۲ صائی ۱۴-۲ نسخه سنده « حکمی

تمیز ایتمک اجرایی تأخیر ایدرمی؟» عنوانیله یازدینی پک واقفانه بر مقاله ده حقوق اصول محاکمه لری قانوننک ۴۴۳ نجی ماده سی ۹۸۰ نومرولی (۲ مارت ۱۹۲۷) قانونی تعدیل ایتدیکی و بناء علیه تمیزك اجرایی تأخیر ایتسی ایچون تأخیر اجرا علم و خبرینک کتیرلسی ضروری اولدینی مطالعه سنی بیان ایتدکن صوکر بو حکمک نوشاتل و فرانسز قانونلرینه مطابقتی، بلیغ بر صورتده ایضاح ایتشلدردر. رفیقمزك بومطالعسه اشتراك ایدرهز.

محکمۀ تمیزدن تأخیر اجرا علم و خبری استحصال ایدلدکجه اجرانک دوامی نظری اولارق، حوق قائده ایدر. فی الحقیقه بعضاً اوله احوال و شرائط حادث اولورکه بو حالدرده محکوم علیک کفالت ویرمی، حتی محکوم بی اجرا ورنه سنه تودیع ایتسی محکوم لهک سرعته اعلامی اجرا ایتدیره مامسندن متولد ضررلری تلافی ایچون کافی کله مز. از جمله نفقه به دائر حکملر، محکوم به اجرا ورنه سنه تودیع ایدلسه بیله، در حال اجرا ایدلدیکی تقدیرده عظیم ضررلر حصوله کتیره بیلیر. کذلک مائل انهدام بر دیوارک و قتیله بیقلمامسی، تجاوزک در حال رفی حقنده صادر اولان قرارک انفاذ اولونامامسی غیر قابل اجتناب تهلکه حصوله کتیره بیلیر. بناء علیه واضع قانونک محکمۀ اصلیه دن صادر اولان بر قرارک تأمینات مقابلنده تمیز نتیجه سنه قدر تأخیر اجراسنه قرار ویروب ویرمامکده محکمۀ تمیزه بر حق تقدیر ویرمی نظری اوله رق حوق دوعر ایدر.

فقط مملکتک وضعیت خصوصیه سننده محکمۀ تمیزه مراجعت ایله تأخیر اجرا علم و خبری آلتجهیه قدر حکمک اجرا ایدلمش اولسی و بو صورته بالعکس مدعی علیک غیر قابل تلافی ضررلره معروض قالمسی احتمالی ده وارددر. اولنک ایچون بزه کوره، یکی اجرا قانونمزده تمیز حالنده تمیزدن تأخیر اجرا علم و خبری آلتجهیه قدر، اجرایی تأخیر خصوصنده اجرا ریسنه بر حق تقدیر ویرلمی مناسب اولدینی دوشونوله بیلیر.

۲ — حقوق بیلکیلر مجموعه سنک سنه ۲ نومرو ۴ - ۱۶ نسخه سنده نوشاتلده استیناف محکمه لرینک الفا ایدلدیکنی و یالکز بوشامه ایشلرنده صلح محکمه سی قرارلرینک محاکم اصلیه ده قابل استیناف اولدینی ایضاح ایتش ایدک، آرقداشمز عثمان نوری بک بارو مجموعه سنک مارالد کر نسخه سنده بو مطالعه مزك بر سهوه مستند اولدیفنه احتمال ویرمکده درلر. دیورلرکه «چونکه یکی اصول محاکمه قانونمزده مأخذ اولان ۷ نیشان

۱۹۲۵ تاریخلی نوشتاتل قانوننك ۳۷۵-۳۹۲ نجی ماده لرینی استیناف فصلی تشکیل ایدره. حتی بو قانونك ۳۸۱ نجی ماده سنده استیناف مدتی ظرفنده استیناف واقع اولمش ایسه استینافاً بر حکم ویریلنجیه قدر اجرانك تأخیر اولاجنی مصر حددر.»

نوشتاتل فائطوننده استیناف محکمه لری ۱۹۲۵ سنه سندن صو کر ا دکل بلمک ۱۸۷۸- ۱۸۸۲ قانونیه الفا اولمشدر. نوشتاتل بویوک مجلسی عدلیه انجمنی تشکیلات محاکم قانونی اسباب موجب مضطه سی، مجلس مجموعه سی جلد: ۹۰، صحیفه: ۴۶۵

نوشتاتل بویوک مجلسی عدلیه قومیسونی طرفندن قبول ایدیلن ۱۹۲۵ تاریخلی ایلك تشکیلات عدلیه و اصول محاکمه حقوقیه قانون لایحه لرنده اصلا استیناف اساسی یوق ایدی. فقط مجلسك ۱۷ تشرین ثانی ۱۹۲۴ تاریخلی جلسه سنده M. Tell Perrin بوشانما ایشلرنده صلاحیت مسئله سنی موضوع بحث ایتمش، بوشانما مسئله لرینك قانطون (اصلیه) محکمه سنه قابل استیناف اولق اوزره و دیستریکت (صلح) محکمه سنده حلنی و بناء علیه پروژهنك برای تصحیح عدلیه قومیسوننه اعاده سنی تکلیف ایتمشدر. قانونك راپورتوری Charles Guinard ده بو فکره طرفدار اولمشدر.

نهایت مجلس ۷ نیسان ۱۹۲۵ تاریخلی جلسه سنده یکی تشکیلات محاکم قانوننك ۱۵ نجی ماده سیله و دیستریکت (صلح) حاکم لرینك یالکز باشنه بوشانما و آریلا دعوالرینی تحقیق ایتدکن صکره وصایت دائره لری اعضا سندن انتخاب اوله حق ایکی اعضانك التحاقیه بومسائلی حل ایتسی شوقدرکه مدعی علیک غایبنده و یا خود دعوائی قبول ایتسی حالنده منفرداً قرار ویرمی و هر حالده قرارینك قابل استیناف اولسی اساسی قبول ایتشد.

نوشتاتل اصول محاکمه قانوننك ۳۷۵ نجی ماده سی ایسه عیناً «تشکیلات محاکم قانوننك ۱۵ نجی ماده سنده تعداد اولنان مسائله دیستریکت محکمه لرینك اساسه دائر ویردکلی بالعموم قرارلر قانطون (اصلیه) محکمه لرینسه استیناف اولونه بیلیر» دیه یازیلیدر. حقوق فاکولته سی مجموعه سنك ایلول ۱۹۲۷ تاریخلی نسخه سنده مندرج قوه قضائیه مقاله مزه مراجعت، صحیفه: ۸۴۳، کذلک یکی حقوق اصول محاکمه لری قانون شرحه عمومی مدخل اتریمز مراجعت، صحیفه: ۳۷

خلاصه حقوقی بیلگیلر مجموعه سنک مارالذکر نسخه سندنند ذکر ایتدیگمز وجهله نوشتانلده استیناف محکمه لری الفا ایدلمشدر. یالکمز «بوشانمه دعوالرنده صلح محکمه سندنند محکمه اصلیه استیناف قبول ایدلمشدر». نوشتانل حقوق اصول محاکمه لری قانوننده موضوع بحث اولان استیناف فصلی منحصرأ بوکبی دعوالرک استینافی تقدیرنده قابل تطبیقدر . بز شخصأ استیناف محکمه لرینک احداثی فکرنده یز. بوفکر مزی استیناف محاکمهی الفا ایدن ۴ رمضان ۱۳۴۲ و ۹ یسان ۱۳۴۰ تاریخلی قانون شرحزدهده ایضاح ایتدک . یکی حقوق اصول محاکمه لری قانونی شرحزه عمومی مدخل اثریمزده تکرار ایتدک. فقط استیناف محکمه لرینک تشکیله حکومتجه امکان بولنامسی اساسنی تقدیر ایدهرک بومحاکمک موجود اولمادیفی دولت اصول محاکمه سنک یکی اصول محاکمه قانونمزه اساس اولماننی موافق کوردک . ایلک لایحهده صورت عمومیهده صلح محکمه سی قرارلرینک محاکم اصلیه استیناف ایدلمسی تکلیف اولنش ایدی. عدلیه انجمنی «بوکونکی تشکیلاتمزه مجلس عالیجه قبول بیورلش اولان قانون اخیر ایله لغوینه مبنی استیناف محکمه لری موجود اولمادیفی» نظر دفته آلهرق قانون لایحه سندن استیناف فصلنی بسبتون طی ایتشددر .

— ۳ —

مظاهرت عدلیه

رفیقمز عثمان نوری بک مظاهرت عدلیه دائر فصلک زهدن اقتباس ایدلدیکی حقنده ایضاحات ویرلمسی تمیناتی اظهار ایتمکده درلر . رفیقمزک تخمیناری کبی بوفصل فرانسه نک ۱۰ تموز ۱۹۰۱ قانونندن آلمش ایدی. آنجق عدلیه انجمنی بوفصلی اولدقجه تعدیل ایتشددر. وتعدیلاننده ده زیاده آلمان قانونندن ملهم اولدیفنی ظن ایدهرم .

— ۴ —

تحریری مقدمه یننه

۱ — حقوق اصول محاکمه لری قانونی موجبجه ، بالجله معاملات حقوقیه یعنی «برحق احداث، نقل وتحويل، تجدید، اقرار، اطفاف واسقاط مقصدیه اجرا ایدیلن

بالجمله تصرفات ، زمان وقوعنده کی مقدار و یا قیمتی بش بیک غروشی تجاوز ایتدیکی تقدیرده، سندله اثبات اولتیق لازمدر « (ماده: ۲۸۸) کذلک قانون مذکورک ۲۹۰نجی مادیسی موجبنجه «سند» مربوط اولان هر نوع ادعایه قارشی درمیان اولنه حق مدافعله ایلده سندک تنظیمندن اول و یا تنظیمی صرهنسند و یا صوکره بونک حکم و قوتی تنقیص ایلده بیله جک تصرفات و بیانات بش بیک غروشدن آز برملغه تعلق ایسه دخی شاهدله اثبات اولنه ماز « بوحالده ده سندله ادعایک اثباتی مجبوریدر .

بویکی حالده دعوا شاهد ایلده اثبات اولونامیه جفی کی قرینه قاطعه و حاکمه قناعت حصوله کتیره جک دلائل سائر ایلده اثبات اولوناماز (ماده: ۳۶۷) . شو قدرکه سندله اثباتی لازم کلن هرایکی حالده ده «تحریری بر مقدمه ینه موجود اولورسه شاهد استماعی جائزدر « و ۳۶۷نجی ماده احکامنه توفیقاً بو تقدیرده دعوا ، وسائط سائر (قرینه قاطعه) ایلده اثبات اولونابیلر .

۲ — مقاله مزده بالخاصه ، مقدمه ینهنک نهدن عبارت اولدینی وسندله تعارض ایدن مقدمه ینهنک ادعای اثباته کافی بر دلیل تشکیل ایدوب ایلده میه جکی مسئله لرینی تدقیق ایلده جکز .

حقوق اصول محاکمه لری قانوننک سندله اثباتی لازم اولان خصوصاتی تعیین ایدن ماده لری، فرانسه قانون مدینسندن آلمشدر . (ماده: ۱۳۴۷ متعاقب) (آووقات م. آصف بکک حقوقی بیلکیلر مجموعه سی شباط ۱۹۲۸ تاریخلی نسخه سند مدرج « ینه » عنوانلی مقاله سنه مراجعت، صحیفه: ۴۰۲؛ کذلک یکی حقوق اصول محاکمه لری قانونی شرحه مراجعت صحیفه: ۵) .

پارس استیناف محکمه سی برنجی دأرهمی ۲۵ تشرین اول ۱۹۲۷ تاریخنده ، سندله تعارض ایدن تحریری بر مقدمه ینهنک حکم قوتی وضعی اقرارک نهدن عبارت اوله بیله جکی حقنده بزم ایچون تدقیق فائده لی برقرار ویرمشدر .

Dalloz, Recueil hebdomadaire de jurisprudence année 1928
N° 2 p. 25 .

مقاله مزده بو قراریده ذکر و تحلیلی فائده لی کوردک .

۳ — مقدمه ینه ، حقوق اصول محاکمه لری قانوننک ۲۹۲نجی ماده سی ، ایکنجی

فقره سنده تعریف ایدلکده در ؛ « مقدمه بینه مدعاهك تماماً ثبوتنه كافی اولماقلا برابر بونك وقوعه دلالت ایدن وعلیه ابراز ایدیلش اولان طرف جانبندن ویریلن اوراق و وثاقدرد.

تحریری مقدمه بینهك موجودیتی حالده Bigot-Préameneu ك فرانسه قانون مدینسك اسباب موجب مضطه سنده کی بیانی وجهله «حقیقه دوعری برآدیم آتیلش اولور» Locré XII p. 409 فی الحقیقه بش بیک غروشی تجاوز ایدوب سنده ربط ایدیلش اولان معاملات حقوقیهك شاهد وقرائن سائر ايله اثباتی عنوع بولنسك باشلیجه سببی شاهدلك حافظه لرینه اعتماد جائز اولمامسی، بونلك طرفیندن برنی حمایه مقصدیله وقایعی تحریف ویا تاویل ایتك ایسته ملری، و نهایت شاهی اولدینی واقعہ لری لایقيله آکلامامش اولمالری، موجود اولان قرائنك حقیقی اولدینی کی افاده ایدمه مسی احتماللرینك زیاده اولمسیدر. بالخاصه، سندلر، طرفینك بعضاً اوزون مذاکره لدن صوکر صورت قطعیه مطابقت قالدقلمی خصوصاتی احتوا ایدرد. بونلك طرفینك مقصدینی افاده ایتدیکی محتقرد. حالوکه عین مجلسده بولنان شاهدلك واقعیه اطلاعلری محقق دکلدر. شو حالده سندله شهادت تعارض ایدره سندی ترجیح ایتك معقولدر.

بناءً علیه قانون، بعض معاملات حقوقیهك هر حالده سندله اثباتی لازم عد ایتدیکی کی، سندسز اثباتی جائز اولان خصوصاته بيله طرفین بر سند تنظیم ایتشدر ایسه بوسندله تعارض ایدن شهادتی، قرینه لری نظر دفته آلاماق مجبوریتده قالمشدر. فقط تحریری بر مقدمه بینه ايله اجتماع ایدن شهادتده بواحتیالات نسبة دها چوق آز اولدیغندن واضع قانون، استثناء، برلشن بویکی دلیل ايله بش بیک غروشی تجاوز ویا سندله تعارض ایدن بر ادعائك اثباته مساعده ایتشدر.

۴ — تحریری مقدمه بینهك موجودیتی ایچون ایکی شرط واردرد. اول دلیل یازیدن نشئت ایتلیدر: بناءً علیه نه قدر قوتلی قرینه قاطعه اولورسه اولسون علیده یازی بولنادقچه حاکم بوقرینه لری مقدمه بینه تلقی ایدمه من. فقط یازینك هر حالده سند اولسی شرط دکلدر. بر طرفك، درمیان اولنان واقعیه اثبات ایچون بروثقه اولمق اوزره یازدینی بالجله اوراق تحریری مقدمه بینه اولابيله چکی کی، دیگر بر مقصدله یازدینی

اوراق ده علیهنه بر مقدمه ینه اولمق اوزره استعمال اولونابیلیر . از جمله سندلرک زیرنده وظهرنده کی مشروحات، کوندربیلن عائله ، ودوست مکتوبلری ، خاطرات دفترلرنده کی قیدلر مقدمه ینه تشکیل ایده بیلیر . ثانیاً بویازی مدعایک وقوعه دلالت ایتیلیر . اگر بویازی، ادعا اولونان خصوصی استلزام ایده بیلن بر فعلی تثبیت ایدیورسه مقدمه ینه تشکیل ایدر .

پارس استیناف محکمه سنک مارالذکر قرارنده قید ایدلدیکی وجهله، ضمنی بر اقراری استلزام ایتمین یازیلر مقدمه ینه تشکیل ایده من .

از جمله مدعی تکمیل آلاجنفی آلدیغه دائر بر مقبوض امضالادقن صوکره بولک قسم متباقیسنی تشکیل ایتک اوزره مدعی علیهدن بر پاره دها طلب ایدر و بوده جواباً حساب چیقارلسنی بر مکتوب ایله رجا ایدهرسه بو مکتوب اقرار ضمنی احتوا ایتهمسنه مبنی مقدمه ینه تشکیل ایده من . بناءً علیه بو تقدیرده مدعی ، مقبوضک یا کلش ویا مواضعه طریقیله ویا اوجنچی شخصلره قارشی استعمال ایدلک اوزره محتویاتی قبض ایدلهدن ویرلش اولدیغنی ینه شخصیه ایله اثبات ایده من .

بعضاً بر یازی دوغریدن دوغریوه درمیان اولنان وقایعی اثبات ایتمکله برابر قانوناً ینه دن معدود اولمق ایچون ایجاب ایدن شرائطی تماماً احتوا ایتمز . از جمله بر کیمسه نك دفتر خاطراتی آنجق درمیان اولنان وقعینی اثبات ایچون یازلش ایسه ینه تشکیل ایدر . بو مقصدله یازلامش ایسه ینه تشکیل ایده من . مع مافیله شرائط قانونیه نك نقصان اولسی او یازینک بسبتون حکمسزلکنی ایجاب ایتیبوب بر مقدمه ینه تشکیل ایده بیلیر . زیرا بو یازیلرده مدعی علیهدن صادر اولمشدر و درمیان اولنان واقعینی اثبات ایدمکله مابهتده در .

مع مافیله معامله نك تصور درجه سنده قلماسنه بناءً قصداً اکمال ایدیله یهرک نقصان بر اقلمتس اولان وثیقه لر تحریری بر مقدمه ینه ده تشکیل ایده منلر . از جمله کاتب عدله سند رسمی تنظیم ایدلرکدن صوکره طرفیندن بری امضا ایدوب دیگر طرف امضادن امتناع ایتش ایسه معامله پروژة حالنده قالمش اولدیغندن بو یازی امضا ایدن علیهنه تحریری مقدمه ینه اولارق استعمال اولوناماز .

دیگر طرفدن تمام اولان ویا نقصان قالان بر سند، بونک متضمن اولدینی معامله نك ایفا ایدلیکنه ویا بوندن ابرا ایدلیکنه مقدمه بینه تشکیل ایده مز.

ثالثاً بویازی «علینه ابراز ایدیش اولان طرف جانبندن» ویریش اولمالیدر. بناءً علیه اوجنجه شخصلردن صادر اولان اوراق نه قدر قوتلی اولورسه اولسون بر مقدمه بینه ایچون کافی کله مز.

یازینک مقدمه بینه تشکیل ایتسی ایچون علینه ابراز ایدیلن کیمسه طرفندن امضا ایدلش ویا کندی آلی ایله یازلش اولمالیدر. شوقدرکه بر یازینک امضا ایدلامسی، بونک محتویانک بر روزه حالده قالمش اولسندن متولد اولدینی آجیق ایسه ومثلاً یازانک بالا آخره امحا ایتک ایستدیکی بر یازی ایسه تحریری مقدمه بینه تشکیل ایده مز.

ماده ده کی «علینه ابراز ایدلش اولان طرف جانبندن» تعیری، بونک یازدینی ویا امضا ایتدیکی اوراقه شامل اولدینی کبی بو طرفک مراجعتی وبیاناتی اوزرینه رسماً تنظیم ایدیلن اوراقه ده شاملدر. بو اوراقک تنظیمی اوزرینه، علاقه دار امضادن استکاف ایتش اولسه بيله او اوراق مقدمه بینه تشکیل ایده مز.

از جمله مظلونک مستطقی حضورنده پولیس ویا مرکز لرنده کی استجوابلری اوزرینه تنظیم ایدیلن ضبط ورقه سی کندی طرفندن امضا ایدیلشمش اولسه دخی بر مقدمه بینه تشکیل ایده مز.

فقط علاقه دارک افاده وبیاناتک عیناً قید ایدلسی قانوناً مجبوری اولمایان، بخصوص صلاحیتدار مأمور طرفندن تنظیم ایدیلهرک مندرجاتی، وافاده سی ضبط اولنان کیمسه مواجهه سنده تکرار اوقونمق لازم کله یین اوراقده امضا یوق ایسه مقدمه بینه تشکیل ایده مز. فرانسه محکمه تمیزی ۱۷ تموز ۱۸۴۱ تاریخلی بر قرارنده جزا محکمه سنده مظلونک اقراری اوزرینه ضبط کاتبی طرفندن طوتلش ضبط ورقه سنک مقدمه بینه تشکیل ایتدیکنه قرار ویرمشدر. محکمه تمیز شایان دقت شو اسباب موجبینی سرد ایدیور:

قانون مدینک ۱۳۴۷ نجی ماده سه کوره یالکز علینه دعوی ایدیلن کیمسه دن صادر اولوب درمیان اولنان واقعه ده دلالت ایدن اوراق مقدمه بینه تشکیل ایده بیلیر. مظلوندن صادر اولمایان وطرفندن کوریلوب، امضا ایدلمه یین، حتی قوتتول ایدیلنه یین بر یازیده ایسه بو اوصاف یوقدر. و بویازی قانوناً صورت مخصوصه ده صلاحیتدار قلنان مأموردن ده صادر

اولا مشدر. بو یازی نه مستطق طرفندن تنظیم ایدیلن ونه ده مواد حقوقیه ده استجواب اوزرینه تنظیم قلنان ضبط ورقه لرینه تشبیه ایدیله مز .

نهایت بر یازینک تحریری بر مقدمه بینه تشکیل ایده بیلمسی ایچون، امضا و یا یازیسی اقرار اولنق و یا علی الاصول ثابت اولق لازمدر .

۵ — پارس استیناف محکمه سنک ذکر ایتدی کمز قرارنده کوسترل دیکی وجهله مجرد ابراز اولنان مقدمه بینه ایله در میان اولنان حادثه ثابت اوله ماز . مقدمه بینه آنحق دعوانک شاهد و قرینه قاطعه ایله اثباتی ممکن قیلار . مقدمه بینه دن باشقه، آریجه برده قرینه قاطعه و شهادت موجود اولما دجه ادعایه ثابت نظریله باقیله ماز و بو قرینه لر و یا شهادت لر ابراز ایدیش اولان مقدمه بینه دن قطع النظر، حاکم ایچون قطعی بر قناعت حصوله کتیرمیدر . پارس محکمه سی دیورکه: «دیگر طرفندن دلائلی اتمام ایچون مقدمه بینه تشکیل ایدن یازی دعوائی اثبات ایچون کافی بر قرینه قاطعه تشکیل ایده مز . G طرفندن مقدمه بینه تشکیل اتمک اوزره ابراز ایدیش اولان ایکی قطعه مکتوب خارچنده در میان ایدیش اولان قرینه لر قیعتسزدر .»

— ۵ —

شفاهی اصول محاکمه یه تابع ایشلر

قانونک ۷۳ نجی ماده سننده تصریح ایدلدیکی اوزره شفاهی اصول محاکمه، صلح محکمه لر نده جاریدر . قانونک صورت مخصوصه ده بیان ایتدیکی حالدرده محاکم اصلیه ده ده جاریدر . یوقسه تبلیغات تحریرییه تابع اولیه رق اجرا ایدیله جک محاکمه معناسنه دکلدرد . فی الحقیقه بسیط اصول محاکمه ده مدعی علیه ک تحریری جواب ویرمسی لازم کلز . ماده : ۵۰۹ خاطر لادیغمزه کوره قانون، محاکم اصلیه ده، شفاهی اصول محاکمه ایله حل اولونا جق برایش ذکر ایتمشدر . بناء علیه ۷۳ نجی ماده نک صوک فقره سی حالا مهمل قاله جقدر . شفاهی اصول محاکمه یه تابع اولمایان باطلجه ایشلرده باروده مقید اولمایانلر وکالت ایده میه چکنه نظر آنه اصول محاکمه بسیطه ونه ده سریعه ایله جریان ایدن ایشلرده ونه ده تحقیقاتک اکللی اوزرینه جریان ایده جک مراغه شفاهییه وکیل انتخابی سربست دکلدرد .

حقوق فاکولته سی مدرسلرندن

مصطفی رشید